

96094

第貳冊


卷三

輿地志

卷四

食貨志

平湖縣志



平湖縣志卷三



署知縣張力行纂修

輿地志 三

公署

縣署 居城正中前後臨河明宣德五年建迄

今三百年間有增修不無頽廢門堂燕寢日就

欹斜乾隆四十四年知縣張力行易舊更新重

加修建自內及外悉改前觀大堂顏曰中正初名

忠愛順治十八年知縣金 堂以南甬道立戒石

平湖縣志

卷三

輿地 公署

東西廡分六房南之中為儀門左右啓角門門

以外東為軍轎班房舊土稍前為皂班房舊儲

西為犴狴稍前為自新所舊儲鹽所直南為頭

門上為譙樓門外左快班房民壯房右捕班房

門左右舊為旌善申明舊贊堂以東為土地祠舊贊

二亭已廢今改班房 廳東有龍座乾隆二十五年又東為傾銀房

知縣劉純煒奉安德藏寺大殿 贊政廳西為三相祠舊批又西為批迴科堂號

房供招房堂以北為二堂顏曰人情為田舊名

今改其東為庫房又東為軍器庫稍前為架閣二

堂後東北為宅門西進為燕堂正德間知縣王璽建今改葺移

二堂額左右有書室西偏為古藤書屋庭有古藤故名

燕堂後平房五楹舊有樓三楹正德十六年知縣郭天錫建今改造又

北樓房五楹新建東西側室為庖湑之所由古藤

書屋而西為西園平房五楹顏曰觀圃乾隆四十年知

縣劉雁題建其後為詮香書屋新建又後為天香亭亭建

自明代康熙間知縣董天眷葺左右有廊房頭門以內東偏為

主簿衙稍北為典史衙又北為縣丞衙各有碑

記

海防同知署 在乍浦東門內即明兵巡道行

署舊謂之大司雍正二年設乍浦水師營遊擊

黃天寅建為署七年移署南門外改為海防同

知署八年同知張若震更新之

理事同知署 在海防署東即明千戶所基康

熙五十六年移嘉興府同知駐乍浦建為署雍

正七年設滿洲營改為理事同知署

水師副都統署 在乍浦東門內環以城協領

以下署附列左右營雍正七年建

公衙門 在都統署西滿洲城外為八旗祝

聖議事公所雍正七年建 滿洲水師火藥局在西門內乾隆三十一年建又有

礮火藥房在局前

水師叅將署 在乍浦南門外湯山麓雍正七

年建 水師軍器局火藥局並在西門內舊倉基雍正八年建火藥房在南門內西偏城脚

下火藥先在此房礮碎然後運貯局內

水師左營守備署 在乍浦南門外教場雍正

二年建

水師右營守備署 在乍浦南門外陸家橋乾

平湖縣志

卷三

輿地

公署

三

隆十九年建

嘉協右營守備署 在乍浦南門內即明備倭

把總署嘉靖九年把總杭州右衛指揮楊和建

四十四年欽依把總章延廩重修

國初改守備署

軍裝庫在署內舊有大砲四小砲六散布城巔並崇禎季年南京鑄

造乾隆二十一年建屋於南門城上貯之係右營掌管

巡檢司署 一在獨山今移乍浦北門內里人

宋炳等捐資建一在白沙灣

蘆瀝場大使署 在錢公亭雍正六年鹽商建

駐防署 在陰陽衙內康熙三十一年建

僧會司 在德藏寺

道會司 在佑聖道院

公館 在縣西二百五十步元為當湖務明洪

武初為當湖稅課局嘉靖元年改為公館今廢

布政分司 在縣治西二百步永豐橋今廢

按察分司 在縣治東五十步明宣德七年縣

丞孫華建曰東司今廢

兵備分司 在縣治東南一里明嘉靖二十四

平湖縣志

卷三

輿地

公署

四

年知縣劉存義建曰南司今廢

兩浙鹽運蘆漚場分司 舊在新倉後移南司

左今廢

乍浦鎮稅課局 元曰乍浦務明初改建宣德

間革

乍浦河泊所 元曰市舶司明洪武十四年改

建宣德間革

陰陽學 在永豐橋西明宣德五年設正統七

年遷德藏寺今廢

醫學 在永豐橋西明宣德五年設正統七年
遷壽康道院今廢

郵舖

縣前急遞舖 轉塘舖 惹山舖 乍浦舖

東門舖

古蹟

故邑城 在乍浦故邑山下一作顧邑漢海鹽
縣舊治晉惠帝光熙元年有毛民三人為風汎
集於縣宋武帝追孫恩復築城於此

平湖縣志

卷三

輿地

郵舖

五

鸚鵡洲 一名小瀛洲建報本塔院東北隅有
放魚磯後夷於水或云其北有小渚近是元末
於金山海濱得一碑曰鸚鵡洲界

鳳凰基 縣治東北二十七里漢陸閔隱居處

光武時為潁川守致鳳凰之瑞因名

顧書堵 在縣治東北三十六里東泖旁相傳

顧野王讀書圃舊屬海鹽境後晉天福庚子亭

林寶雲寺壞於水僧夢二青衣來云梁侍郎至

俄有一人至曰此我故宅汝建寺立像吾當護

之有水際古碑可據也明日獲碑字皆磨滅惟存數字云寺南高基顧野王曾於斯修輿地志明陸莊簡光祖於巨流中斲石爲磯名曰水月灣沈司成懋孝父子讀書其中捨田爲僧寮香火碑板尙存

松風臺 在德藏寺後宋僧可觀築高十二尺廣七尋後繞玉帶河上有法界菴主宰堵波及自製塔臺基屹然隆慶二年邑令謝良弼立碑於左復植松以稱其名嘉靖間猶存大松數十

平湖縣志

卷三

輿地

古蹟

六

株濤聲萬斛

國朝康熙丁卯李延昱補栽小松二十株

魯肅簡園 自縣治以東皆其遺址今遊橋尙存一云東臯園在博陸祠後西臯園卽今楊梅園司理陸未菴結廬於此

石都尉莊 在東泖元江淮總管石都尉賜莊有石田飼鶴有石亭有石總管廟有石氏壠跡沈氏世居於此石莊記云三泖之上大海環其外仰而見天天若彌峻扶桑出日江東暮雲往

往可見之縹緲色象間亦風清而局遠矣

南村書堆 去縣南百步元至正間里人張紘

號南村家世業儒多書因聚土成堆以為誦讀

遊息之所

太虛一碧樓 元賀傑建在東湖即今普濟菴

故址

聽雪齋 在東柳孫固讀書處

靖獻書院 在陳山祀陸正今廢

弄珠樓 舊名戲珠亭在鸚鵡湖中歲久廢為

平湖縣志

卷三

輿地

古蹟

七

叢塚明萬歷間知縣王羲民經始蕭鳴甲落成

華亭董其昌題額邑人陸杲沈懋孝作記後圯

國朝康熙丁丑知縣王瑋捐俸重建乾隆丙申知

縣劉雁題築堤為池環植桃柳中栽荷花

樓中舊有

董其昌詩石刻失去久矣乾隆四十四年

知縣張力行購得之復還故處作還珠行

鎮邊樓 在乍浦俗呼四牌樓惟石址存焉

漁隱故居 沈肆有自題漁隱故居詩

介菴書院 在縣治東南案山上明總督胡宗憲為陸淞建登樓遠眺流觴曲水殊有蘭亭遺

意今廢

常足窩 參議趙漢論永嘉劾桂翟二相旣歸營常足窩中建序芳亭又製一舟名平查優游林壑詩酒自娛

悠然亭 在當湖中上下作石屋狀其址據湖最勝處里人陸杲建太倉王世貞有記後淪於水

三魚堂 明豐城丞陸溥子東築室泖口顏曰三魚

平湖縣志

卷三

輿地

古蹟

八

國朝陸清獻著書仍三魚堂名不忘世德也

紅蓼村莊 在當湖冬青里侍御陸愈別業太常志孝讀書處臨池有翔後亭

東林別業 在柳莊塘沈昇築前對陳山東近釣雪汀北爲桂林劉師邵有記

沈園 在南水門外方伯沈萃楨別業周遭植松柏無雜卉率子弟頌讀其中今廢

也園 在小南門內明陸方伯懷玉好奇石能壘山又善種樹園林清勝幅巾往來有也園唱

和詩今廢

蜃園 在乍浦城內西南隅李天植築中構隣
鷗軒深省堂頗佳勝今廢

且園 在北門內係御史郭紹儀別業有碧水
鴻天記庭前兩峰並峙一名舞袖峰一取雅山
頭陀石作巔名頭陀峰亭臺映水花木盈庭城
市中有山林景象

東臯 去城南六里給諫馬嘉植築古桂數十
株彌望成林名黃雪山莊今廢

平湖縣志

卷三

輿地 古蹟

九

耘廬 明孝廉馮洪業築在北門外五里傳是
南宋蘇雲卿宅舊有石刻小像爲畝三百周遭
浚濠內爲連山複嶺植梅三千築室其中名雪
窖植海棠千名海棠巢梓樹百名紅雨山房植
桂二千名桂香徑馴舞鶴三十餘嘗有隻鶴自
空而下沒後陸御史光旭得之後爲高詹事士
奇所有今墾爲田

彭園 在西門外馮君可居其旁藝梅百畝今
廢

鮑莊 在朱車橋東鮑怡山築修竹萬竿顏曰
雲谿翠竹今廢

香草溪 在獨山塘側雲清橋北每秋晚芳馥
出水上

玉泉池 在縣東北大乘寺其泉清冽徹底可
以煮茗皎如白玉

舒公井 舒公不知何代人井在德藏寺東久
湮成化癸卯鋤地得之廣圍二丈餘濬之其深
不測水泉洶涌迸出懼復塞之後爲社學基今

平湖縣志

卷三

輿地 古蹟

十

廢

東湖古井 魯應龍曰庚子歲夏旱湖可通軌
一漁舟夜艤水滸遙見有光亘天掘之得井磚
一片長六七寸兩首各有方竅相入兩面皆有
手掌紋極細竊意陶人手法爲之兒童爭鬻或
取以爲硯清潤可愛余嘗得之後爲好事者取
去

華光井 在德藏寺東廡華光如來閣下素無
汲者立閣後飲水輒愈病後寺僧索錢遂無驗

永興橋廢井 在陸氏宅不知何年所鑿面濶數尺其深不可測大旱不涸時時有浮萍及碎破蒲帆浮起相傳下通大海後爲富氏得之居正堂之中以板覆蓋甚謹

德藏寺古鐘 異銅所鑄初鑄時匠者曰此鐘未可便扣當俟我行六十里及去甫至新豐寺僧遽扣之匠聞嘆曰聲止此耳後剝蝕改鑄本寺雙塔頂海塘陷築難就頂忽一夕飛墮借爲錠石之需塘遂告成

平湖縣志

卷三

輿地

古蹟

十一

飛來鐘 在湯山瑞祥寺不志年月相傳浮海來聲聞百里明嘉靖壬子倭犯乍浦登山燬寺鐘被火稍失聲移置城中鎮邊樓樓火墮地失聲幸不損今在望湖庵

飛星石 在陳山觀音殿相傳兩石從半山鬪墮一從殿後壁滾入大士座下一墜殿之西屋瓦無損不知何由得入

孟姜搗衣石 舊傳乍浦有孟姜故居搗衣石尚存在苦竹山下卽磐石當潮之衝者

按左傳檀弓紀

齊莊公襲莒事止稱杞梁妻不稱孟姜卽善哭崩城見說苑列女傳亦並不指長城讀書敏求記載孟姜女集二卷云女姓姜楚地澧人行一故曰孟姜秦始皇築長城夫范郎往赴其役久不歸製寒衣躬往送之至則范已死痛哭城崩瀝血求夫骨函歸至同官山力竭死土人立祠以祀之

琴石 在西宮殿旁長丈許濶二尺厚尺許拊之其聲若琴因名琴石明洪武間有一羽士來遊肅敬亭中以折足鐺煮藥煮罷操琴石上遂有聲歷三載時與兒童嬉戲無一識者後忽吟詩云暫離蓬闕下凡塵肅敬亭中寄此身三載

平湖縣志

卷三

輿地

古蹟

十一

有緣誰得度岳陽依舊是歸真化清風而去後道士厭人來訪移石砌作玉皇座臺

五老峰 在報本塔院前舊在錢氏廢圃中陸比部杲攜置塔院前有狀似觀音善才者有似獅子靈芝瑞雲者因名五老峰

龍頭 一在縣南門外芙蓉堤一在泖口

魚樂園碑 在西林寺壁明董文敏書

碑亭

黎侯去思亭 在西關外爲知縣黎循典立因

築城廢

謝侯去思亭 在縣治左為知縣謝良弼立

劉侯去思亭 在縣治右為知縣劉存義立

楊侯去思亭 在縣治左為知縣楊挺高立

朱侯去思亭 在縣治右為知縣朱星耀立

陳侯去思亭 在縣治左為知縣陳熙昌立

吳侯兌漕德政亭 在便民倉儀門內為知縣

吳春枝立

朱侯德政亭 在接官亭為知縣朱之翰立

平湖縣志

卷三

輿地 碑亭

三

張侯去思亭 在三聚菴為知縣張鳴遠立

南薰亭 在顯宗廟前為縣丞梅清立今廢

劉侯去思碑 在文昌閣為知縣劉雁題立

牌坊

平葵偉績 為都御史胡宗憲立
在報功祠前今圯

牧愛一方 在縣治後

文明坊 在儒學前今圯

顯忠坊 在顯忠廟前今圯

景賢 萬代瞻仰 在景賢祠前

尙義坊 為義民陸宗秀立

孝子坊 為廣州知府沈琮立

歷朝簪綬 為勅封主事沈昇勅封主事沈渭

榮 誥封副使沈民範進士沈琮沈琇沈琇沈萃楨

立其陰奕世元魁 沈中柱沈焜沈焜沈初沈堽沈堽沈堽沈堽沈堽

奕世元魁 為舉人沈琮沈琇沈琇沈琇沈琇沈琇沈琇沈琇

沈垣 沈君楨沈萃楨沈元琳沈中柱沈日昆沈

峽 沈焜沈初

登雲坊 為景泰戊午舉人周衢立

平湖縣志

卷三

輿地 牌坊

古

進士 為貴州叅政沈榮立

憲臺 為成化甲辰進士毛廣立

正直立朝 清風範世 為封御史馬昇 御史馬瞻立

望重內臺 奕世柱史 為叔姪御史馬瞻立

進士 為御史方潞立

多繡重光 帝心特簡 為江南按察使過璘 贈監察御史過厚立

佑聖 宮前

科貢世美 為成化辛卯沈瑋 崇禎丙子沈巖 沈寅 貢元 沈鑰 沈鈺 沈獻

尙荆王崇寧郡主沈一卿立

世科 為通判吳佐 同知吳

太保 為刑部尚書諡康僖屠

世科 為舉人陸鏡 陸光祖 陸杰 陸棐 陸

原 陸焯 陸光裕 陸光宅 陸錫恩 陸澄

陸燾 陸之元 陸錫明 陸槃 陸燦

陸燾立其陰世科 陸隴其 陸杰 陸杲 陸焯 陸

世科 為進士陸淞 陸杰 陸杲 陸焯 陸

錫明 陸鏊 陸澄原 陸清原 陸錫恩 陸

世科 為馮俊 馮汝弼 馮敏功 馮伯禪

西 馮洪業 馮洪攷 馮重華 立在佑聖宮

平湖縣志

卷三

輿地

牌坊

十五

循良 為名宦馮俊立 在佑聖宮西

世尙書 解元 為南京光祿寺卿贈刑部尙書

陸杰 刑部主事贈刑部尙書陸杲 吏部尙

書贈太子太保諡莊簡陸光祖 立在縣前

元魁 繼武 父子同科 為陸淞 陸杲 陸光

三代名卿 為南京光祿寺卿陸淞 工部尙書

倉前 世科 為趙漢 趙伊 趙邦黍 趙邦

都諫 為贈兵部給事中趙璧 兵

文武勳賢 為都督陸炳 進士陸

柱國為都督陸淞 忠誠伯謚武

宮保太宰 忠清鯁介為吏部尚書贈太子太保謚莊簡陸光祖立在

德藏寺前

科甲宗英為曹禾 曹光 曹一麟 曹煒 曹徵庸立在永豐橋西今圯

柱史為嘉靖庚戌科曹光立在永豐橋西

兄弟進士為曹光 曹煒 曹一麟 曹一圖 曹禾 曹一麟 曹煒 曹徵庸立在東司前

奕世恩光 都諫為曹渭 曹禾 曹一圖 曹徵庸立在東司前

丙辰亞魁 天綸褒寵為兵部員外陸夢韓贈工部主事陸楷立在

前縣

平湖縣志 卷三 輿地 牌坊 六

傳臚為嘉靖己未第二甲第一名進士陝西提學副使陸光祚立在縣東

文宗為主試刑部廣東司員外郎陸錫恩立在啟元門外

三世方伯為贈左布政使張燮 張載道 廣東左布政使張大忠立在清水巷

中外具瞻 世承天寵為贈江西布政使陸珂陸文典 南京通政

使陸長庚立 在德藏寺前

太史為封翰林院編修沈宏光 直起居注翰林院修撰沈懋孝立

兄弟進士 忠廉重望為萬歷戊戌科金汝礪萬歷甲辰科金汝諧

錫立 封工部郎中金 錫立在儒學西

綸章世膺 殿中執法為封工部郎中金錫山東道御史金汝諧立

在東
司前

世柱史

澄清畿甸

為贈陝西道御史劉希聖
巡按直隸監察御史劉

廷元立
在東司

會元榜眼

玉殿詞臣

為贈翰林院編修施應
墳編修施鳳來立在

儒學
前

三世尙書

萬邦總憲

為贈兵部尙書劉麟
劉希聖南京兵部尙

書劉廷元立在
西門外接官亭

百歲坊

為壽官王澄立
在二十三都

天中藩伯

三世二品

為誥贈河南布政使陸
傳教誥封河南布政

平湖縣志

卷三

輿地

牌坊

七

使陸瑞銓

河南布政使
陸之祺立

文苑持衡

為提學陸光祚
典試陸錫恩立

秋臺執法

為刑部員外陸錫
恩立在啟元門外

三節

雙孝

為旌表生員過溱妻俞氏
過橋妻陳氏贈御史過厚妻張

氏孝子過宗一
過橋立在常平倉西

節孝

為節婦生員郭山妻陳氏
子生員郭球立

貞節

為庠生張昊妻孫
氏立在儒學前

貞節

為儒士陸瀾妻宋
氏立在常平倉西

貞烈

為生員戴裕津未婚妻
趙氏立在常平倉西

節孝 為鮑匡衡妻吳氏立在邱墳塘

貞垂彤史 烈振寒宮 為監生陸銘鐘妻屈氏立在外永寧坊

節孝 為黃如楠妻高氏立在外浦南門外陸家橋

貞女 為姚培善聘妻黃氏立在計家街西

壇廟

社稷壇 在西關外西林寺東南歲春秋二仲

上丁後一日致祭

風雲雷雨山川壇 在南關外演武場東北歲

春秋二仲上丁後一日致祭

平湖縣志

卷三

輿地

壇廟

十六

邑厲壇 在西關外西林寺西歲清明中元十

月朔致祭迎城隍神主之

先農壇 在二十一都巳字圩 今編聖塘 雍正

五年知縣楊克慧奉文建立置藉田四畝九分

以仲春亥日祀以少牢籩豆簋簠如制文武皆

與焉祭畢行耕藉禮知縣秉耒凡九推典史執

青箱播種農夫終畝耕畢望

闕行謝

恩禮勞老農其壇在田後廟三楹又在壇後藏 先

農神牌左右房各一間東置祭器西實耕獲所
入又以歲十二月祭八蜡孟夏擇日常雩並祀
於壇

城隍廟 明宣德五年知縣王簡建在縣治東
一百五十步由西偏傍出成化間沈氏捐市房
廣正南爲神路知縣李智以所起藏錢重建堂
廡門額嘉靖間知縣顧廷對建軒棚三楹殿前
古栢枝幹蒼老相傳植自宋時邑人沈叅政陸
莊簡有記每歲春秋二仲上丁後一日合祭於

平湖縣志

卷三

輿地 壇廟

十九

山川壇清明中元十月朔主祭於邑厲壇縣官
初任考績及水旱祈禱皆特設祭又乍浦城隍
廟在東門內新倉鎮城隍廟在東林禪院西偏
關帝廟 在慶源橋西爲邑主廟明崇禎十三
年建舊例春秋二仲月上丁後一日致祭雍正
三年從給事中李蘭之請

欽定關帝三代爵號曾祖光昭公祖裕昌公父成忠公

並定祀儀以歲五月十三及春秋二仲擇日致
祭知縣邵煜構三公祠諸生戈朝榮捐基址乾

隆六年大門燬於火監生施元章等募修其餘
隨地立廟一在南月城一在西月城一在小南
門內一在縣後楊家橋一在德藏寺東廡一在
松風臺西名松梵庵一在永寧橋東一在北門
外曹寧國建一在乍浦東門內一在新帶鎮西
侍御曹光建一在新倉鎮

東嶽廟 係佑聖宮分基康熙元年建歲春秋
二仲上丁後一日致祭一在乍浦北門內雍正
四年建

平湖縣志

卷三

輿地 壇廟

二十

顯忠廟 在當湖北祀漢博陸侯霍氏及部下
錢侯宋魯詹趙孟堅有記歲春秋二仲上丁後
一日致祭一在乍浦城外西南隅雍正十三年
建

土穀祠 在縣治內歲春秋二仲上丁後一日
致祭一在便民倉內

顯濟廟 在陳山麓宋大觀三年建宣和中賜
額顯濟封龍君爲廣惠淵靈侯龍母爲慶善薦
福夫人明洪武初載祀典去侯爵稱陳山之神

每歲三月十八日致祭

天后宮 在乍浦苦竹山神爲福建莆田人宋都巡檢林愿之女沒爲海神明洪武永樂間兩加封號康熙二十年加封天后雍正十一年載入祀典以春秋二仲上辛日致祭乾隆二年加封福祐羣生二十二年加封誠感咸孚宮右有觀濤閣明天啟七年後京兆尹某建樓五間背山面海華亭董文敏題額曰跨鯉觀濤今改平房

平湖縣志

卷三

輿地

祠宇

三

軍牙六纛之神 歲霜降日於演武場致祭

祠宇

報功祠 在兵備司左明嘉靖三十七年爲禦倭都御史胡宗憲立萬歷改元以禦倭郡守劉慤邑令劉存義入祠今爲報功禪院邑人馮汝弼有記

劉兵憲祠 在乍浦城內明嘉靖三十七年爲禦倭兵道劉燾立邑人馮汝弼有記今廢

劉郡侯祠 在譙樓左爲禦倭郡守劉慤立明

萬歷初併入報功祠

李侯祠 在按察分司左明萬歷六年爲知縣李實立邑人孫植有記今廢

劉侯祠 在城隍廟左明萬歷十三年爲知縣劉士瑗立太倉王世貞邑人馮敏功有記

江侯祠 在西門外爲知縣江環立

王侯祠 在佑聖宮右爲知縣王羲民立有像郡人朱國祚有記

蕭侯祠 在西門外爲知縣蕭鳴甲立邑人過

平湖縣志

卷三

輿地

祠宇

三

銘簠有記

朱侯世德祠 在萬程橋左爲署平湖縣事同

知朱邦喜知縣朱欽相立後建青蓮庵南海陳熙昌邑人施鳳來有記

羅侯祠 在東湖後移南司左今仍移化成庵爲知縣羅尙忠立邑人馬維銘有記

陳侯祠 在南司左爲知縣陳熙昌立邑人陸長庚有記

顧侯祠 在西門外爲知縣顧國寶立邑人施

鳳來有記

吳侯祠 在關帝廟文幟閣爲知縣吳春枝立
朱侯祠 在化城菴一名龍門書院爲知縣朱
之翰立邑人陸之祺有記

王公祠 在東門月城爲前明未析縣時海鹽
令王宗載立後毀順治間邑人沈璜修葺今廢
神像供奉居民市樓上

勅建節孝祠 在縣治西雍正元年奉

恩詔舉行四年知縣楊克慧建凡邑內烈婦節婦題旌

平湖縣志

卷三

輿地

祠宇

三

者咸祀之附旌者勒碑刊載乾隆四十年知縣
劉雁題重建

景賢祠 在德藏寺左祀唐平章事陸宣公贊
以宋靖獻先生正明徵士宗秀程鄉令張莊簡
公光祖配續配職方司澄原御史清原司理燦
贈禮部侍郎清獻隴其歲春秋二仲上丁後一
日致祭吳郡范惟一有記先是莊簡父刑部主
事杲倡置田畝歸祠歲收其入以周族人謂之
族田知縣顧廷對義其事會查民間隱田得減

祠田之稅杲自爲記

惠宗祠 在景賢祠內祀陸氏宗人置義田有
功於祠者司寇杲處士橋武惠炳僉事夢韓莊
簡光祖孝廉光裕學政光祚孝廉光宅封公基
誠比部基忠文學基仁詹簿基志比部錫恩中
翰錫命凡十四人續配虞部郎基恕中翰麟汶
川令洽原官生灝文學若沛考授州同元根六
人基志自爲記

陸氏先正祠 在東城內祀象山先生

平湖縣志

卷三

輿地

祠宇

三

魯肅簡祠 在桑園街祀宋叅知政事魯宗道
張忠獻祠 在東十九都祀宋張魏公浚南軒
公栻維揚別駕浦

陸莊簡祠 在南司右祀明尙書陸光祖春秋
上丁後一日致祭秀水馮夢禎有記

孫氏盛溪宗祠 在大易鄉祀徵君固布衣彥
節布衣忠贈尙書軒學博璧僉事璽簡肅公植
以郎中成憲孝廉成名太學成倫成文成紀副
使成泰配

世德祠 在石牌涇明奉勅建尚義坊春三日
陸氏宗人肅衣冠宣上諭誦家訓行拜賀禮
陸鴻臚祠 在東湖右祀陸志孝邑人施鳳來
有記

靈溪陸氏宗祠 在窰灘祀宋進士能仁處士
百乘德潤元進士景雲登仕郎誼處士騏贈文
林郎序以封奉直大夫謙知州鳳刑部主事槐
贈布政使傳教知府懋功封布政使瑞銓知縣
又機布政之祺孝廉上瀾配

平湖縣志

卷三

輿地 祠宇

三五

豸史行祠 在啟元門內祀御史陸琳內江趙
貞吉臨川陳炯各有記

懷德祠 在太平橋左祀給事中馮汝弼太倉
王世貞有記

劉氏世德祠 在南司左祀刑部主事劉地累
贈右都御史劉希聖

孝子行祠 在東湖左祀光祿陸山叅議王建
中有記

清溪沈氏宗祠 在齊都恥字圩堂曰追遠祀

始遷祖文俊左右祔祀達之及珍及昊封工部
主事涓贈刑部主事樾貴州叅政榮太學生授
蘓州府經歷樟及樑江西叅議煉歲貢生堂至
封兵部主事昇廣州府知府琮山東道御史肆
初祀文昌祠今則祀於夕照菴十三世孫岷有
記

石莊沈氏樹德祠 在石莊里房圩祀元處士

武康明將仕郎溱修撰宏光司成懋孝孝廉懋

莊文學懋嘉孝廉瑞錫文學瑞鑿

平湖縣志

卷三

輿地 祠宇

三

國朝進士棻閣學陸棻有記

林氏宗祠 在清水墓歲圩祀宋福建安撫使

肇學博璵明贈祠部郎鳳僉事桂以教授兩教

諭中芳處士中英日錦配

倪氏宗祠 在清水墓祀博士保一封吏部郎

中珣湖廣左叅政輔贈刑部郎中曠十一世孫

壯猷有記

張高士祠 在北門月城祀高士張洽與其姪

方伯大忠先是洽以平倭築城首功督撫欲請

於朝爵之不受獎以地宅治爲建廟月城爲國
祝釐旣而鄉父老懷其德迎治與方伯之位合
祀於廟邑人王建中有記

存巖祠 在湯山瑞祥寺祀冲夷處士陸泰巖
錢順治元年建李確題曰陟岵永思乾隆三十
三年錢元孫肯堂重修勒碑以孝子做孟配

陸清獻公祠 在縣治東南爲明兵備道行署
廢基舊稱南司乾隆八年知縣高國楹先復祀
產繼設專祠捐六十金首倡陸氏宗人炎夏等

平湖縣志

卷三

輿地

祠宇

三

踊躍醵金紳士黃瀛等咸樂輸助共得五百餘
金尙不敷需次州倅陸介煊獨捐二百餘金遂
告成

城南陸氏宗祠 在聽圩孟秀浜祀南雄太守
陸世楷乾隆二十二年陸鋹重建有記

冢墓

龍母墓 在陳山巔相傳白龍以三月十八日
生於吳之陽山歸葬其母於此每歲是日陽山
及此山皆有雲霧晦冥之異山有磐陀石意爲

龍母瘞蛻之所

天女墓 在乍浦犯之者有土蜂黑氣侵人

周

齊三士墓 縣東南三十里梁莊城西地名古

冶場有公孫捷田開疆古冶子墓

按唐吳地記云縣東十五

里有齊三士墓乍浦齊景鄉地也諸葛亮梁甫吟步出齊城門遙望蕩陰里里有三墳纍纍正相似問是誰家墓田疆古冶子據此當在齊地矣搜神記載古冶子拔劍斬龍在蜀與長沙間水經注以為並齊景所不至疑而存之可也

吳

平湖縣志

卷三

輿地

冢墓

二十六

皇象墓 縣東南三十里高一丈周四十五步

象字休明廣陵江都人善隸書

晉

青龍觀古墓 觀山青龍觀下明崇禎五年五

月二十八日松江僧湛之開地得古墓方上圓

下磚長尺餘首作虎豹形側有晉咸和元年八

月十五宜侯王作數字中有石板長數尺有鏡

二甕鉢一又小似鉢者數枚墓側有道有石門

主者聞之縣禁勿開

陳

顧安饒墓 縣東南三十里高二丈三尺周七

十步

唐

陸府君墓 齊景鄉當湖市仕唐至太子左贊

善大夫其夫人汝南縣君周氏

陳環墓 在齊景鄉雅山南二里有墓誌不著

作者姓名

宋

平湖縣志

卷三

輿地

冢墓

三

魯宣義墓 括異志云係魯氏南林祖塋

魯壽寧墓 縣東二百五十步壽寧字景修以

宣教郎致仕累贈正議大夫

叅知政事魯肅簡墓 縣治東南桑園街墓前

有碑

魯文謚墓 縣東五里文謚壽寧孫官司理

陸通一墓 舊卽縣基明宣德間建縣治遷北

城南通一象山六世孫明理學

靖獻先生陸正墓 在廣陳華亭王昭大有記

元

陸壽一墓 在安圩至正間人歷聘不赴隱居祥里

陸應奇墓 在南陸應奇靖獻先生子元未避居華亭胥浦鄉其地因名南陸卒葬焉

陸能仁墓 在鳳皇基北圩咸淳進士以伯顏兵至與族父霆龍隱居三泖時稱高士墓

賀傑墓 在縣治北

殿中都尉張燧墓 在新倉鎮南

平湖縣志

卷三

輿地

冢墓

三

周貴一墓 距魯壽寧墓西三十步貴一宋碩儒講道武原子勝一仕元爲提舉葬昭次

陸景雲墓 在鶴嘴涇致和元年進士授提舉不赴

石總管墓 在東泖石總管廟西田者探出碑板爲學士歐陽元功筆

趙氏墓 廣陳鎮高阜纍纍居民皆指爲趙氏墳樵採有禁未知誰氏相傳趙孟堅曾居廣陳

云

朱提舉夫人陸氏墓 在德藏寺後

明

趙友一墓 在新倉有木甚奇

處士陸子榮漸達居士陸直齋父子墓 在演

武塲浜東

寓賢作朱姓從外字

徵仕郎陸宗秀迪功郎陸珪墓 在華亭界涇

南

斷事俞迪墓 在城南火字圩大堰頭

侍郎葉春墓 在大易鄉宣德八年諭祭

平湖縣志

卷三

輿地

冢墓

三

沈珍沈昊封主事沈渭贈主事沈樾墓 在齊

都恥字圩王家灣其西叅政沈榮封評事沈光

墓

武略將軍施雷墓 在豐亨門內原秩千戶正

德間以出貲助賑加都指揮使

知府沈琮御史沈肆墓 在夕照菴西

屠康僖賜墓 在縣東南鄂陽山仲子大叅應

坤葬山之陰楊一清有墓誌正德十二年諭祭

叅議沈煉墓 在乍浦黃山

孝子郭球墓 在北門內倉橋西

滁州判王梅墓 在福臻寺東北沿盤滙

陸莊簡賜墓 在縣北十里張位有墓誌萬歷

二十七年諭祭

修撰沈宏光司成懋孝墓 在石莊里

明經過銘盤墓 在過家溪洋瀆廟南李邦華

有墓誌

侍郎陸長庚賜墓 在東湖西其北卽贈公陸

珂陸文典墓崇禎九年諭祭

平湖縣志

卷三

輿地

冢墓

三

方伯沈萃楨墓 在齊都近字圩陶家浜

國朝

侍郎曹溶墓 在十七都周思塘

舉人李天植墓 在牛橋北

給諫馬嘉楨墓 在衛家浜

明經過銘簞墓 在丁家塘

孝廉馮洪業墓 在北城外九里左構蘭若曰

寶雲林其宗祠曰仍莊

西平令沈茶墓 在楊樹漫長洲宋文恪誌墓

太常陸志孝墓 在冬青潭

贈侍郎陸清獻墓 在泖上餘字圩

學士陸萊墓 在南門外聽字圩

詹事高士奇 賜墓 在南門外二里

寺觀

德藏教寺 在縣治東八十步唐會昌二年僧

道宣建光啓初廢後唐清泰中鄉民邱邵請卽

故基新之名曰寶興前有雙塔宋大中祥符八

年改德藏寺有雨花亭山月池梓樹坪水陸齋

平湖縣志

卷三

輿地 寺觀

三

壇景祐初葺隆興三年重修廟宇魯衢爲記元

至正十六年燬於兵明初定爲教寺宣德間立

僧會司嘉靖末陸莊簡構藏經閣於寺後貯大

藏經一部邑人馬維銘有記內有禪堂雲水寮

分房十五曰雲隱筠居額係米芾書東隱法雲

澄霽俗名西長生竹深西隱翠巖妙巖昇震雨

花本名旭山地藏殿梧竹居

福源普慧禪寺 在縣治南一里元皇慶元年

張竹溪建永樂間僧維賢重葺殿廡方丈正統

十二年僧本澄募建藏殿嘉靖三十二年改爲
兵備司報功祠等所移置二十三都圓珠圩有
浮圖七級

福臻教寺 在北門外四里宋紹興六年名福
臻院僧宏宣建元末兵燬明初定爲教寺後復
廢萬歷二十三年陸基誠重建邑人陸錫恩有
記

青蓮教寺 在治西南二十里舊名石佛寺唐
咸亨中建宋治平間改青蓮寺明初定爲教寺

平湖縣志

卷三

輿地

寺觀

三十四

普照教寺 在廣陳鎮爲東寺舊名僧伽院宋
治平元年改普照院明初定爲教寺有塼巍然
嘉靖三十二年慮海寇登瞭燬之殿宇亦漸圯
萬歷十八年優免基糧知縣江環立石里人戈
用泰撰書宋程珪有勅建寺基碑記

萬壽教寺 在廣陳鎮爲西寺舊名保國勝利
院宋祥符元年改名萬壽明初定爲教寺東西
寺殿俱香楠樹疊斗成屋中虛無梁相傳得公
輸之巧

西林禪寺 在西關外舊名西林院宋紹興五年賜額西林寺明洪武間圯遺址僅存正統六年因其地蓋造倉廩呼爲西倉塲嘉靖三十二年倉移城西北隅置厲壇其上萬歷三十八年查係古蹟准復西林舊寺孝廉馮洪業捨附寺西偏田作厲壇明經過銘盤捨附寺東北偏田擬建華嚴樓邑人施鳳來有疏引

南禪寺 舊名福源寺後爲陸莊簡宅莊簡捨宅復爲寺內有陳公井明嘉靖三十七年開

平湖縣志

卷三

輿地

寺觀

三

勅賜棲心寺 舊名化城菴在東湖弄珠樓東南明宏治間爲邑令羅尙忠生祠後改爲寺未幾漸圯僧是岸重構築隄植柳康熙四十二年

聖祖仁皇帝南巡僧元璟謁

駕金山

賜棲心寺額

瑞祥寺 舊在乍浦湯山巔明嘉靖時火於倭移築稍下

大乘禪寺 在新帶鎮西南元延祐二年僧頑

石募建

長福寺 在城北二十四里泖浦塘東梁天建
末建明嘉靖間島倭入寇巢穴其中一夕烈焰
陡發斃賊數人皇駭星散廢址漸夷爲田展轉
屬里人林士俊萬歷己未僧了塵托鉢於此林
捨田復建

圓證寺 在二十四都顧書堵邑人沈宏光重
建

萬壽寺 在衙前明初廣陳西寺分出

平湖縣志

卷三

輿地 寺觀

三

潮音寺 在乍浦演武場西海塘口爲宋元古
刹火於倭萬歷後重建今廢

西林禪院 在西關外西南隅係宋相魯肅簡
西臯園大殿傾廢順治辛丑僧法濱重建郡人
包世杰有記

東林禪院 在東關外係宋相魯肅簡東臯園
後廢明萬歷間僧履西募建邑人馬維銘有記
栢子禪院 在乍浦西門內明崇禎十五年僧
萬徹募建

真實禪院 在西關外孝廉毛湛建內有宗祠
法華禪院 在新倉鎮後明崇禎間建
北林禪院 在五沈蕩舊名廣嗣菴沈爲東建
邑人馬維銘有記今廢

東林禪院 在新倉鎮向係蘆川古刹久廢明
萬歷三十六年姜山建

報本塏院 在南門外沙盆圩明嘉靖間邑紳
陸杲建癸亥杲與馮汝弼趙伊建浮屠七級四
載而成日報本萬歷間少司馬陸長庚範紫銅

平湖縣志

卷三

輿地

寺觀

七

佛七尊大鐘磬各一增建樓七間順治十六年
塏圮十七年文學林喬孝廉馮洪業葉方宸捐
貲重建康熙二十五年閣學陸棻等募修改七
層爲五置常住田四十三畝零舊有孫植陸杲
碑記陸棻有合尖記乾隆十八年知縣翟天翹
修葺三十四年知縣周昭仔重葺

鹿苑 在縣東南三里順治間居民陸輔臣捨
建爲報本塏下院其西偏爲文學陸大勳奇勳
書齋并捐作禪室苑東自蘇家漾至杭家漾文

學金堵等捨作放生河復建放生亭

文昌閣 在弄珠樓東北乾隆二十七年知縣

劉國烜建未竣四十一年知縣劉雁題捐俸重

建顏其堂曰鏡漪

香露林 在北關外僧靈發募建

寶王林 在菜圩王處士端墓東端子漣建祠

田十畝

獅子林 在乍浦北郊外三里康熙乙卯韓泰

元建捨田二十畝華亭沈文恪題額越人姜希

平湖縣志

卷三

輿地 寺觀

三

轍有記

法慶林 在南門外舊名華嚴菴康熙丙申僧

霽瑩募建邑人嚴思位有記

萬峯菴 在飛錫菴北圩僧元洪募建湖中無

山以菴當之

古福菴 在當湖西南隅卽蓮光鏡舊名觀音

堂明萬歷間邑紳陸長庚建前築石堤數丈栽

芙蓉游人攬勝於此

永福菴 在毛家滙橋西元至正間僧玉峯募

建

雨華菴 在西關外僧費雲募建

飛錫菴 在當湖東岸湖有龍居以錫杖鎮之
故名僧心鑑旅亭共置基田九畝張明字捨田
九畝六分金繼山捨田六畝

普濟菴 在化城菴南舊有沉香大士

梵香菴 在南門外知縣呂猶龍建初名呂公
書院後改菴

藕花菴 在北關外曹溪菴西僧超性明本同

平湖縣志

卷三

輿地

寺觀

三

募建

求思菴 係清溪劉御史泰祠其堂名求思卽
以名菴明經劉稅建右卽泰兄雄墓

夕照菴又名南菴 在清溪沈昇及其子琮肆
建右卽昇父子墓春秋時祭東沈子姓嘗聚族
於此

竹溪菴 在小南門外葛家橋康熙間僧澹雲
募建邑人陸棻有記

復菴 在新帶鎮明崇禎五年僧天息募建康

熙間僧同聲善持石隱募置常住田九十七畝
邑人捨田二十七畝邑紳曹志周有記

廣德菴 在東湖景字圩康熙間僧知曉募建
湧蓮菴 在東十九都大村坊順治間僧蘊空
募建

西來菴 在乍浦城內明崇禎間建

三聚菴 在城外西南隅廣文馬鳴雷居民李
夢泰周應仁張廣裁等建

蘧菴 在石行塘邑士陸宏銓建

平湖縣志

卷三

輿地

寺觀

旱

鎮海菴 在獨山東柯孫氏建

潛菴 在雅山北柴河潭順治三年僧萬徹募
建孝廉李潛夫題曰柴溪精舍

蘿月菴 在二十五都陳田村卽邱塢廟故址

康熙元年陸氏宗族重建左爲宗祀

芥菴 在新帶鎮順治十一年僧古風募建

掬香菴 在北門外曹溪菴西係文學胡滌書
室後捨基建菴今廢

香巖菴 在小南門外葛家橋康熙十九年僧

法建募建邑人過銘簠有記

大乘菴 在張家廊邑人張大雅之潏捨基僧

恆修募建邑人郭紹儀有記

聚福菴 在毛家滙東

宏濟菴 在乍浦東門內祀元晏戍仔俗名晏

公堂洪武初封平浪侯

會濟菴 在乍浦城內明洪武二年僧碧空募

建

普福菴 在福臻寺東

平湖縣志

卷三

輿地

寺觀

聖

祝聖菴 在北章橋東康熙四十七年僧慧日

募建

曹溪菴 在北門外順治十四年郭孝廉雍圖

建今廢

定光菴 在西關外康熙九年邑士洪令望建

觀音菴 在扶行橋明萬歷十年邑士徐文元

建

懷橘菴 在乍浦西門內本名陸績菴俗稱西

菴祀吳鬱林太守陸績舊傳乍浦有績故宅號

懷橘里前殿祀張六五相公諱夏蕭山人係海神雍正三年封靜安公

德麟菴 在新港內邑人葉庭槐建捨蕩三十畝

巨平菴 在新帶鎮袁家橋明天啓三年建

柳谿菴 在柳莊塘南元至正間建

潮音菴 在乍浦東門內明洪武間建

圓通菴 在虹霓堰東僧納川潛修地東南爲

白龍潭僧明心募建報本靜室

平湖縣志

卷三

輿地

寺觀

聖一

永垂菴 在縣治東十里康熙壬子居民吳幼

榮建置田八十六畝邑人陸之祺有記

三一菴 在北門外四里

重鳴菴 在起字圩明嘉靖間建

觀音堂 在喜雨巷明嘉靖四十八年邑人陸

杲建

三元堂 在城內梯雲橋南舊名湖隱菴宋慶

歷五年僧黃龍募建

仙觀 在北門外九里明宣德間建朱寰清捨

基三畝四分

元真觀 在新倉鎮元至正間建

壽康道院 在縣治東明宣德間設縣治廢後以空地建劉郡守祠今并入五賢道院附德藏寺西偏

佑聖道院 在廣陳鎮宋建炎中建今廢

崇真道院 在乍浦南門內俗名道觀元至正間建

松塵道院 在北門外里許順治間喻太學源

平湖縣志

卷三

輿地 寺觀

聖

捐別圃馮孝廉洪業張文學翼宸有孚共捐資落成張真人過訪題曰松濤洞天康熙乙巳顧文學明傑倡建斗閣

三元宮 在城內儲家灣明洪武十九年建隆慶間居民儲湘捐資重建乾隆四十二年建文昌閣於前殿之左

佑聖宮 在城內梯雲橋北宋景定間魯大中捨基創建明宣德間設道會司內有文昌閣明萬歷間道士朱端吾募建長生閣康熙間道士

曹又元募建華仙廟

舊名存仁房

財神廟

舊名瞻月房

痘

神廟俱康熙間增建

藥王廟 佑聖宮分基康熙間建

洋瀆廟 在縣治東十里明末樂初建於華二

十二都成字圩嘉靖七年移建過家溪過氏宗

祠在左

白沃使君廟 在當湖使君漢順帝永建二年

令邑人張大雅捨基三畝六分建廟并立張南

軒祠 使君廟一在沙腰一在乍浦

平湖縣志

卷三

輿地

寺觀

器

三將軍廟 在益山下舊志云祀齊田橫田榮

田廣邑人馬維銘有記九山志云廟中三木主

祀田開疆古冶子公孫捷非田橫兄弟初始不

可考萬歷間重修

官田廟 卽舊齊景公廟邑人趙韓嘗捐田十

畝贍香火

施侯廟 在新帶鎮

齊景公廟 一在齊景鄉一在乍浦舊有廟碑

王象之輿地碑目中載之今無考 按齊景公少子封於平陸

遂爲陸氏唐時陸贄立廟祀其始
祖於此爲齊景公廟遂爲齊景鄉

馬廐廟 在齊景鄉

馮將軍廟 在治南二十里宋端平三年建祀

漢將軍馮異

前眷廟 在大六滙

朱福廟 在過家溪北

西聖廟 在新帶

土地廟 在城西角

龍王廟 在二十三都俞家帶文學俞懋相建

平湖縣志

卷三

輿地

郵典

巽

始 一在乍浦苦竹雅山之間石塘之北不知所自

楊四將軍廟 在齊景鄉今廢像供夕照菴

烈士大夫廟 在乍浦獨山北百步

顧相公廟 在乍浦雅山東麓神爲松江上海

人有伏虎之異塑虎於案下後爲大士殿左爲

關帝廟門外樹數抱不知何年物

郵典

同善會 在城隍廟儀門左側乾隆七年生監

韓廷芳鄭時乘馮朝棟陸鏞等做無錫高忠憲
攀龍遺法在會人日捐一文以濟鄉之良民窮
而無告者集金於四季月之朔以望日散之分
上中下三等邑中好善之士并捐田房歲收租
息以爲久計邑令高國楹暨士庶陸耕山趙武
昌萬澄齋鍾朗英陳沛文鹽公所等共捐田地
一百六十五畝三分四釐租一百五十八石一
斗八升顧溶朱其輪共捐蕩三十五畝四分租
三十三石四斗又員外屈樹榮將會中餘銀經
置田一百六畝一分三釐三毫租一百三石三
斗

平湖縣志

卷三

輿地 郵典

巽

育嬰堂 在縣治西佑聖宮右康熙四十五年

知縣董天眷勸募首捐俸置田四畝八分零又
斷捐王元豐田二十八畝四分翰林高興建樓
三楹收棄嬰畱堂轉送蘇州就有六十一年知
縣林緒光增置田三十畝零蕩二十七畝停止
轉送始卽本堂畱養雍正五年生員馮堯則捐
屋三楹監生張逢年廓其基更建爲樓知縣方

以恭暨士庶何廷錫沈石虹何巽陸肯賢陳佐
賢馬巨川陸鳳池張沛受俞羽翎張仲儒沈爾
芳顧乾安胡汝明蔡御芳郁曹氏徐趙氏曹三
姑等捐田并堂置共二百二十九畝三分六釐
二毫租二百石六斗朱其輪捐蕩地一百六十
三畝租一百石五斗陸經臺捐豆租十五畝零
每年折錢八千馮堯則張逢年周三台張洪遠
僧雲坡共捐屋二十六間半并基地一畝六分
零租銀二十三兩五錢何東江馮堯則各捐水

港一段租銀八兩二錢周國侯捐東門坊腳夫
三名租銀二十八兩知縣林緒光方以恭先後
又詳捐羅學租耗米三十五石俾每年司事具
領膳嬰官辦漕糧九十四畝一分二釐五毫蕩
課二十七畝堂辦漕糧一百三十五畝二分三
釐七毫蕩課一百六十三畝

養濟院 舊在治西二百七十步今移北門外
有廳三間東向旁有小房二十七間月給養膳
以居民之孤貧及老幼廢疾者

漏澤園 一在西門外舊倉基明嘉靖間知縣

劉存義立一在東十九都獸字圩邑人馬若庸

捐立一在二十三都野橋石人滙明嘉靖間倭

變死者甚衆馮汝弼捐田收瘞一在二十四都

陸光宅立一在冬青滙趙邦秩立一在郁字圩

馮敏功立一在環堰馮汝弼立一在乍浦城外

教場西署縣事推官殷廷蘭立亦瘞倭變死者

一在乍浦湯山宋紹熙間邑令李直養立收瘞

海尸陸峻有記一在北門外松風港康熙間諸

生郭凌雲立

廣孝阡

康熙十一年巡撫范承謨憲行士民捐資建立

一在縣城東

一在縣西南一在思過橋一在廣陳一在青蓮

寺

按漏澤園廣孝阡統名義塚每歲終將收埋數

目造冊報部計原設之地共一百五十九畝零

雍正元年同知曹秉仁斷捐地三十二畝零在

湯山下錢糧入於羅學租內帶辦雍正十一年

紳士屈大成績捐地十畝零乾隆九年監生劉

大業續捐地一畝七分乾隆十一年海防同知
林緒光於乍浦西門外買地五畝二分一釐八
毫錢糧竝廣孝阡完辦通共二百八畝六分四
釐

積骨塋 在養濟院西甃石周廣八丈僧淨一
創建收埋無主枯骨

